



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 17.7.2018

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
86	0120 Executiva Acconsentimaint protocol	
87	0220 Uffizi da fabrica Dum. da fabrica no. 037/2018, edifizii cun spazi da cellas per localitats da büro, Alfred Laurent SA, parcella no. 4861, Ischla Rov, 7556 Ramosch	vp/ap
88	0220 Uffizi da fabrica Dum. da fabrica no. 035/2018, suost per asens, Bayerl Ruth, parcella no. 412, Seraplana 144A, 7558 Strada	vp/ap
89	9630 Stabels da la facultà da finanzas Convegna cul departamaint da construcziun, trafic e silvicultura Terrain per pudair realisar la galleria da Mingèr	vp/ap
90	3410 Sport Loipa Scuol-Martina Clav da scumpart da cuosts cul cumün da Scuol	vp/ap
91	7710 Sunteri e sepultura Allontanamaint monumaints sunteri Sunteri Tschlin	
92	6150 Vias cumünalas Limitaziun tonnascha via Borgia - stradun	vp/ap
93	6150 Vias cumünalas Charta d'ün abitant Dumonda per barat da terrain	vp/ap
94	7900 Planisaziun dal territori Dumonda da la falegnamaria Curdin Müller per ün plazzal da deposit	vp/ap
95	8400 Turissem Turissem Valsot (general) Bus Taxi Valsot / offerta davart l'uffizi per energia e trafic	vp/mf

0120 Executiva
96 **Orientaziuns**

0120 Executiva
97 **Varia (suprastanza cumünala)**

0120 Executiva

86 **Acconsentimaint protocol**

Il protocol da la sezzüda dals 2 da lügl 2018 vegn approvà.

0220 Uffizi da fabrica

87 **Dum. da fabrica no. 037/2018, edifizii cun spazi da cellas per localitads da büro, Alfred Laurent SA, parcella no. 4861, Ischla Rov, 7556 Ramosch**

La petenta prevezza da plazzar duos containers – sül container existent da la stadaira – chi servan sco localitads da büro. La dumonda es statta publichada. La suprastanza decida d'inotrüder il proceder dal BAB.

0220 Uffizi da fabrica

88 **Dum. da fabrica no. 035/2018, suost per asens, Bayerl Ruth, parcella no. 412, Seraplana 144A, 7558 Strada**

La dumonda es statta publichada e la fatschenda es in uorden. La suprastanza es perincletta cun quai e conceda quel permiss.

9630 Stabels da la facultà da finanzas

89 **Convegna cul departamaint da construcziun, trafic e silvicultura**
Terrain per pudair realisar la galleria da Mingèr

In connex cul proget manzunà suottametta il departamaint da construcziun, trafic e silvicultura dal Grischun üna convegno chi prevezza següaint acquist da terrain tras il Chantun:

Da la parcella 6054	ca. 54 m ²	à frs. 2.50		
Da la parcella 6056	ca. 317 m ²	à frs. 2.50	<u>Total 371 m²</u>	<u>frs. 927.50</u>

Plünavant bsögna il Chantun üna surfatscha da ca. 575 m² terrain da la parcella 6054 sco eir ca. 436 m² da la parcella 6056, quai però be d'ürant il temp da fabrica. Davopro vegnan quellas surfatschas restituidas al cumün. Per quel adöver indemnisescha il Chantun al cumün üna somma pauschala da frs. 205.00.

La suprastanza es perincletta cul manzunà survart e decida d'approvar la convegno.

3410 Sport

90 **Loipa Scuol-Martina**
Clav da scumpart da cuosts cul cumün da Scuol

Il capo infuormescha sur da la situaziun fin da qua e sur da las novas structures previssas tanter nos cumün e quel da Scuol. Als 25 da gün 2018 ha gnü lö üna sezzüda dals delegats. Dal protocol as poja tanter oter conclüder il següaint:

Structuras novas

Ils preschaints han decis da megliorar quellas e latras as cumpuona la cumischiun da la loipa be amo da 4 personas:

- Mario Denoth, president e respunsabel pella gestiun
- Marcus Florinett, respunsabel pella vendita da bigliets, traject, controllörs e contact culs curridurs da passlung
- Niculin Meyer, respunsabel pel turissem e «loipas Svizra»
- Flavia Tschenett (La Regiun EBVM) administraziun e contabilità

Fixaziun da la clav da scumpart

- | | | |
|---------------------|-----------|------------|
| - Cuosts da gestiun | Scuol 75% | Valsot 25% |
| - Investiziuns | Scuol 50% | Valsot 50% |

La basa in fatschenda fuorma üna cunvegna tanter ils duos cumüns chi vegn uossa stipulada. La suprastanza acconsentischa la clav da scumpart sco circumschritta.

Acquist d'üna nouva maschina da loipa

Il silvicultur, Mario Denoth, es vi dal proceder da submissiun. Pella maschina nouva esa da prevezzer üna somma da ca. frs. 290'000.00 incl. ipv. La vendita da la maschina actuala porta ca. frs. 62'200.00 e la chascha da reserva da la cumischiun da loipa, la quala vegn quattras scholta, porta la somma da frs. 112'000.00.

Ushè resta da scumpartir tanter ils duos cumüns (50% per minchün) la somma da ca. frs. 120'000.00 resp. lura ca. frs. 60'000.00 pro cumün.

Cul cumün da Scuol s'ha il capo abinà, cha la dumonda da credit (frs. 290'000.00) vain suottamissa a la radunanza cumünala (i'l mais avuost) da nos cumün. Eir il pajamaint vegn prestà da Valsot e Scuol indemnisescha lura a nus sia part.

La suprastanza es perincletta cun quel andamaint ed acconsentischa la dumonda da credit a man da la radunanza.

7710 Sunteri e sepultüra

91 **Allontanamaint monumaints sunteri** Sunteri Tschlin

Il regulativ in vigor, art. 12 / *allontanamaint fossas* / tuna sco segua:

¹*La suprastanza cumünala fixa il termin per allontanar las fossas. Il termin d'allontanamaint vain dat cuntschaint almain duos mais avant sül mas-chalch e cun comunicaziun als relaschats.*

²*Las fossas na rumidas fin al termin fixà, vegnan allontanadas dal cumün sün cuosts dals relaschats.*

Il manader tecnic ha visità il lö ed infuormescha a man da sias fotografias sur da la situaziun a Tschlin.

Per pudair laschar liber üna senda tanter la part da las fossas da vaschè e quella da las fossas d'urna ston gnir allontanadas aintasm il sunteri 2 lingias cun total 12 fossas.

La suprastanza es perincletta cun quai e decida da publichar l'allontanamaint da quellas fossas e quai in basa da l'art. 12. Ella fixa il termin, dimena fin la fin da mai dal 2019 ston las fossas esser rumidas.

6150 Vias cumünalas

92 **Limitaziun tonnascha via Borgia - stradun**

Ün'inspeziun dal büro Canclini + partenaris ha demuossà cha'ls mürs e la fundamainta da la via sül trassè da la via Borgia fin pro'l sboccamaint illa via chantunala as rechattan in nosch stadi. Ün ulteriur problem fuorma eir la via stretta per cruschar cun veiculs. I bsögna là ün concept sistematic da refacziun. Per pudair garantir inavant la sgürezza dals partecipants al trafic es üna restricziun dal pais resp. ün scumond per camiuns zuond necessaria.

La suprastanza discussiunescha la fatschenda e riva a la conclusiun da na relaschar il scumond per camiuns dimpersè da limitar il pais sün max. 8 tonnas (sig. 2.16).

La dumona vegn uossa inoltrada a l'uffizi da pulizia da trafic ad examinaziun.

6150 Vias cumünalas

93 **Charta d'ün abitant** Dumonda per barat da terrain

Sün nossa resposta, cha'l cumün nun saja pront da vender sia strivla terrain sülla parcella 6248 (76 m²) ha uossa il petent inoltrà ün proposta per ün barat da terrain. El füess dimena pront da baratar cul cumün la medemma surfatscha da sia parcella 6247 cunter la parcella cumünala 6248. Id es da manzunar, cha la surfatscha in possess dal cumün as rechatta illa zona da fabrica e quella cha'l petent mettess a disposiziun es illa zona d'agricultura.

La direcziun propuona a la suprastanza da til suottametter üna proposta chi cumpiglia bainquant daplù surfatscha d'agricultura sülla parcella 6247 (410 m²). In quel möd füss la cunfinaziun culla parcella cumünala in üna relaziun chi fa sen.

La suprastanza es perincletta culla proposta e decida da suottametter quella al petent. Scha'l barat gniss lura fat stu vess gnir stipulà ün servitut a favur dal cumün chi regla l'access fin pro sia chaista da manisaziun dal provedimiant d'aua. Ultra da quai as stoja a medem mumaint eir reglar l'access dal vaschin.

7900 Planisaziun dal territori

94 **Dumonda da la falegnamaria Curdin Müller per ün plazzal da deposit**

Il plazzal da deposit per laina es previs in vicinanza da l'uffizina. La suprastanza consultescha la situaziun e constatescha, cha sün quel plazzal regna grond dischuorden tras deposit da veiculs, maschinas agriculas, farguns, butschins e.o.p. Il manader tecnic preschainta diversas fotografias chi demuossan il nosch purtret da tuot la zona. Ella es perincletta da fittar la piazza a la falegnamaria Müller e decida d'aderir a la dumonda.

Sco prüm sto uossa gnir pretais in scrit dals pertocs, cha tuot ils veiculs e.o.p. ch'is rechattan sül terrain cumünal a Sclamischo gnian rumits. La fatschenda vegn lura publichada sco dumonda da fabrica. La direcziun propuona ün fit da frs. 4.00 al m². La suprastanza es perincletta cun quai.

8400 Turissem

95 **Turissem Valsot (general)**

Bus Taxi Valsot / offerta davart l'uffizi per energia e trafic

Davart da l'uffizi per energia e trafic es gnüda inoltrada l'offerta pretaisa da nossa vart. Quel suottametta plüssas variantas tanter oter eir üna cull'integrasiun dal cuors via Sent-Sur En. La suprastanza riva a la conclusiun cha la varianta B, propuonüda eir davart da Gian Janett, as demuossa sco la plü ideala. Ils cuosts per quella s'amuntan a frs. 54'000.00 l'on. Davart da l'uffizi chantunal vegn contribui 60%, dimena ün import da frs. 32'400.00, uschè chi resta al cumün da surtour l'import restant da frs. 21'600.00.

La suprastanza decida, cun 4 :1 vusch, da surdar l'incumbenza in basa a la varianta B, sco manzunà. L'incumbenza vegn però limitada sün ün on da prouva. Davo avair cogniziun da las frequenzas deciderà lura la suprastanza pel avegnir.

La sporta va in vigur cul nouv urari da la Posta sülla mità da december. Il bus vegn be sün postaziun, quai almain ½ ura avant e be mincha venderdi sün sonda e sonda sün dumengia. Possessurs dal «BÜGA» pon viagar gratuit. Possessurs dal «GA» han 50% reducziun.

0120 Executiva

96 **Orientaziuns**

Festa Naziunala

L'actuar infuormescha sur da la publicaziun dal program i'l Mas-chalch. Il Chantun ha relaschè ün scumond uffizial da far fö. La suprastanza decida medemmamaing da relaschar quel per tuot il territori da nos cumün. In quel sen vegn la publicaziun adattada.

Museum Vnà / giubileum da 40 ons

La società festagiescha quel als 18 avuost 2018 ed invida a la suprastanza da far part.

Bügl public a Tschlin

Il suprantant, Armon Kirchen, infuormescha sur dal di d'avertüra. Quella es gratiada bain ed eir il rebomb medial es stat grond. Alchüns indigens ed esters han fat adöver da l'ocasiun da ris-char il bogn aint il bügl.

0120 Executiva
97 **Varia (suprastanza cumünala)**

Da la tractanda varia nu vegn fat adöver.

7556 Ramosch, 24.07.2018



Il capo:

Il manader administraziun: